

ახალი საზოგადოებრივი

349 (8) 6 აპრილი, 2017 წ

ლორემაში ახალი საბავშვო ბაღი გაიხსნა



ხარაგაულის მუნიციპალიტეტის სოფელ ლორემაში 25 წლიანი ინტერვალის შემდეგ საბავშვო ბაღზე ფუნქციონირება დაიწყო. სკოლამდელი აღზრდის დაწესებულების გახსნას იმერეთში სახელმწიფო რწმუნებულ-გუბერნატორი, გივი ჭიჭინაძე, პირველი მოადგილე, პაატა ნადირაძე, ვიცე გუბერნატორი გიორგი ჭიჭინაძე, მაჟორიტარი დეპუტატი კობა ლურსმანაშვილი, ხარაგაულის მუნიციპალიტეტის გამგებელი ნიკოლოზ თოფურაძე, საკრებულოს თავმჯდომარე, მანანა ბარბაქაძე და ადგილობრივი ხელისუფლების სხვა წარმომადგენლები დაესწრნენ. ლორემაში საბავშვო ბაღი თანამედროვე სტანდარტების გათვალისწინებით მოეწყო და აღიჭურვა, სადაც ექვსი ადგილობრივი დასაქმდა. იმერეთის გუბერნატორი, გივი ჭიჭინაძე, ამბობს, რომ რეგიონში საბავშვო ბაღების რეაბილიტაცია და მშენებლობა ერთ-ერთი პრიორიტეტული მიმართულებაა. გასულ წელს მხარეში 25 – ზე მეტი სკოლამდელი აღზრდის დაწესებულება აშენდა, ხოლო 80 – მდე მათგანს რეაბილიტაცია ჩაუტარდა.

ახალი საბავშვო ბაღის გახსნა პედაგოგებსა და აღსაზრდელებს მიულოცა ბაღდათი-ხარაგაულის მაჟორიტარმა დეპუტატმა, კობა ლურსმანაშვილმა. „მუნიციპალიტეტში ბაღების მშენებლობა კვლავ გრძელდება. დაახლოებით სამი სოფელია, სადაც ბაღებზე მოთხოვნაა. აქედან გამომდინარე, შეგვიძლია ვთქვათ, რომ მომავალ წელს ხარაგაულში ეს საკითხი მოგვარებული იქნება. ვფიქრობ, ასეთივე ტემპით უნდა გავაგრძელოთ სხვა მიმართულებებზეც მუშაობა. პრიორიტეტების შერჩევა კი მოსახლეობის საჭიროებიდან გამომდინარე უნდა მოხდეს“, - დასძინა დეპუტატმა.

ხარაგაულის მუნიციპალიტეტის გამგებლის, ნიკოლოზ თოფურაძის, თქმით, ახალი საბავშვო ბაღის მშენებლობა ნადაბურში სულ მალე დაიწყება, რაც შეეხება საღანძღის ადმინისტრაციულ ერთეულს, საკითხი მოლაპარაკების პროცესშია.

„ეთელი, რომ ადამიანის გონების, ქცევის უნარების პირველი ფორმირება სკოლამდელ დაწესებულებაში ხდება და ძალიან მახარებს, რომ ჩემი გამგებლობის პერიოდში შესაძლებელია ამ სასიკეთო საქმის გაგრძელება“, - აღნიშნა გამგებელმა. სკოლამდელ დაწესებულებაში გაერთიანების დირექტორი, მამუკა ჭიჭინაძე, აღნიშნავს, რომ ახალი საბავშვო ბაღი გაიხსნა, რამდენიმე კვირა რეაბილიტაცია ჩაუტარდა. აღსანიშნავია, რომ უახლოეს პერიოდში ბაღის გახსნა სოფელ ნიფაში იგეგმება.

ამავე დღეს მხარისა და ადგილობრივი ხელისუფლების წარმომადგენლებმა, სოფელ უბისის საავტომობილო ხიდიდან ლორემის ადმინისტრაციულ ცენტრამდე მისასვლელი რეაბილიტაციის პროექტის დასრულების შემთხვევაში, პაპილი, განმარტავს, რომ ამ ეტაპზე ლორემის საბავშვო ბაღში 25 აღსაზრდელი ირიცხება და თუკი მსურველთა რაოდენობა გაიზარდება, მომავალი წლისთვის ახალი ფაგუფის დამატება მოხდება.



შეგახსენებთ, რომ ბოლო წლებში ხარაგაულის მუნიციპალიტეტში რვა რეზილი გზა მოინახულეს. 5 კმ-იანი მონაკვეთი ამ დრომდე სრულად ამორტიზებული იყო, რაც მგზავრებისა და ტრანსპორტის გადაადგილებას მნიშვნელოვნად აფერხებდა. პროექტი რეგისტრირებული განვითარების ფონდიდან 959 813 ლარით დაფინანსდა.

ლელა გუგულაშვილი

დავუბავსა ცენტრალური კოლეჯისათვის 20 ათასი ლარის გაღაცევა მხარი არ დაუჭირას



29 მარტს გამართულ საკრებულოს რიგგარეშე სხდომაზე დეპუტატებმა საბიუჯეტო ცვლილების შესახებ იმსჯელეს. საკითხი მათ საფინანსო - საბიუჯეტო სამსახურის უფროსმა, ვლადიმერ გელაშვილმა, გააცნო. მისივე თქმით, რეგიონებში განსახორციელებელი პროექტების ფონდიდან ხარაგაულის მუნიციპალიტეტს 3 535 500 ლარი გამოეყო, აქედან 190 720 ლარი ნადაბურში საბავშვო ბაღის რეაბილიტაციისათვის, ხოლო 3 344 780 ლარი მუნიციპალიტეტის გზების მშენებლობისთვის დაიხარჯება. საბიუჯეტო ცვლილების თანახმად, ა(ა)იპ „ცენტრალური ბიბლიოთეკა“ 20 000 ლარს ითხოვდა, პროექტის „უსინათლოთა არაფორმალური განათლების ხელშეწყობის“ განსახორციელებლად. როგორც სამსახურის დირექტორი, ნიკოლოზ თოფურაძე განაცხადდა.

განსახორციელებლად. როგორც სამსახურის დირექტორი, ნიკოლოზ თოფურაძე განაცხადდა.

გაგრძელება ▶ 2 გვ.

მთის განვითარების ფონდიან საჩაგაულის მუნიციპალიტეტს დაეხმარა თანხა გაეყო

ხარაგაულის მუნიციპალიტეტს მალაშვილიანი სტატუსის მქონე სოფლებისთვის მთის განვითარების ფონდიდან 479 ათასი ლარი გამოეყო. აღნიშნული თანხით მალაშვილიანი სოფლებში ამორტიზებული გზების რეაბილიტაცია ჩატარდება. მუნიციპალიტეტის აღმასრულებელმა ხელისუფლებამ განხილვის შემდეგ პრიორიტეტად სამი სოფელი - გოლათუბანი, ნიფა და ნუნისი შერჩია. 170 274 ლარით სოფელ გოლათუბანის ცენტრალური გზა მოხატვანდა. ნიფა-გოლათუბანის დამაკავშირებელი გზის რეაბილიტაციისათვის, დაახლოებით, 235 065 ლარი დაიხარჯება, საკურორტო სოფელ ნუნისის ცენტრალურ გზას მოსანერგებლად 100 ათასი ლარი დასჭირდება. პროექტები, სავარაუდოდ, მიმდინარე წლის მაისში დაიწყება და



სამუშაოები აგვისტოს თვეში დასრულდება. აღსანიშნავია, რომ მთის განვითარების საბჭოს წევრი ბაღდათი-ხარაგაულის მაჟორიტარი დეპუტატი კობა ლურსმანაშვილია, რომელმაც აღნიშნული პროექტების დაფინანსებისთვის აქტიურად იმუშავა.

თამარ მაღრაძე

ღარიხევის დაწყებით სკოლას კაპიტალური რემონტი ჩაუტარდება

ხარაგაულის საგანმანათლებლო რესურსცენტრის, უფროსის დავით კიკნაძის, ინიციატივით, ღარიხევის დაწყებით სკოლას კაპიტალური რემონტი ჩაუტარდება. პროექტის სავარაუდო ღირებულება 75 000 ლარია. ასევე განხორციელდება ბორის საჯარო სკოლაში სარემონტო სამუშაოები, რომლისთვისაც 190 000 ლარია გათვალისწინებული. სკოლა-პანსიონში დაგეგმილია სპეციალური საჭიროების მქონე მოსწავლეთა გადაადგილებისათვის პანდუსის მოწყობა. სარეაბილიტაციო სამუშაოები ჩატარდება ზვარის საჯარო სკოლაშიც, რომლისთვისაც 275 000 ლარია დაიხარჯება.

როგორც დავით კიკნაძე აღნიშნავს, პროექტების განსახორციელებლად სამინისტროსთან, საგანმანათლებლო რესურსცენტრთან ერთად, აქტიურად იმუშავა ბაღდათი-ხარაგაულის მაჟორიტარმა დეპუტატმა, კობა ლურსმანაშვილმა.

შეგახსენებთ, რომ საქართველოს განათლებისა და მეცნიერების სამინისტროს სსიპ საგანმანათლებლო და სამეცნიერო ინფრასტრუქტურის განვითარების სააგენტო უახლოეს დღეებში გამოაცხადებს ელექტრონულ ტენდერს ხარაგაულის მუნიციპალიტეტის სამი საჯარო სკოლის სარემონტო სამუშაოებზე.

დასუფთავების აქცია ხარაგაულში



პროექტის „დავასუფთავოთ საქართველო“ ახალი კამპანიის, „ლურჯი ნაკადულის“, ფარგლებში, მუნიციპალიტეტებში დასუფთავების აქციები პერმანენტულად მიმდინარეობს. ა(ა)იპ „ხარაგაულდასუფთავება“ (დირექტორი თემურ ფურცელაძე) აქციაში აქტიურადაა ჩართული და თანამშრომლების მიერ ნაგავსაყრელების გასუფთავება ყოველდღიურ რეჟიმში ხორციელდება. დასუფთავების აქციაში ხარაგაულის მუნიციპალიტეტის გამგებელი ნიკოლოზ თოფურაძე, გამგებლის მოადგილე არჩილ მალაშვილი და საჯარო მოხელეები ჩაერთნენ. მოხდა სოფელ საღანძღის ტერიტორიაზე მდებარე სპონტანური ნაგავსაყრელის განმუხტვა. აქციაში ზესტაფონი-ხარაგაულის კოორდინატორი მალხაზ პირველშვილიც იღებდა მონაწილეობას.

ნადაბურში საბავშვო ბაღის მშენებლობის პროექტი დაიწყო

ნადაბურში საბავშვო ბაღის მშენებლობის პროექტი დაიწყო. პროექტის შესყიდვის საჯარო ღირებულება 200 764 ლარია. ნადაბურის ახალი საბავშვო ბაღი ერთსართულიანი იქნება, გარე ეზოში. პროექტით გათვალისწინებულია ბაღის ეზოში მოეწყოს ქვიშის სათამაშო მოედანი. სატენდერო წინადადებების მიღება 13 აპრილს დაიწყება და 18 აპრილს დასრულდება. გამოვლენილმა გამარჯვებულმა კომპანიამ სამუშაოები 120 კალენდარულ დღეში უნდა დაასრულოს. შეგახსენებთ, რომ ნადაბურის ადმინისტრაციულ ერთეულში ბაღის მშენებლობას რეგიონული განვითარების ფონდი აფინანსებს.

დავუტანება სენტრალური ბიზნესცენტრის 20 ათასი ლარი გადამხდელს მხარი არ დაუჭირას

დასაწყისი 1 მ.

კოლოზ მატყვარიანი, განმარტავს, მუნიციპალიტეტში სულ 59 უსინათლო პიროვნებაა და აქედან არაფორმალური განათლების მიღების სურვილი 15-მა გამოთქვა.

ნიკოლოზ მატყვარიანის განცხადებას გამოეხმაურა საკრებულოს თავმჯდომარე, მანანა ბარბაქაძე, რომელმაც უსინათლოთა სტატისტიკური მონაცემები წარმოადგინა. მისივე თქმით, ხარაგაულის მუნიციპალიტეტის გამგებობის ჯანდაცვისა და სოციალური უზრუნველყოფის სამსახურში 59 უსინათლო პიროვნება რეგისტრირებული. აქედან ორი გარდაცვლილია, ორი მათგანი ლოგინადა ჩავარდნილი, ორი პიროვნება თბილისში ცხოვრობს, ერთი - კასპში. 32 მათგანი 60 წელს გადაშორებულია, 3 შრომისუნარიანი, ხოლო ათი 30-დან - 59 წლამდეა. როგორც საკრებულოს თავმჯდომარე განმარტავს, ჩამოთვლილი უსინათლო პიროვნებებიდან ბრაილის შრიფტით კითხვის შესწავლის სურვილი მხოლოდ ორმა მათგანმა გამოთქვა.

ცენტრალური ბიბლიოთეკის დირექტორი ამბობს, რომ აღნიშნულ პროგრამაში მონაწილე ადამიანები ასაკის მიხედვით არ უნდა განისაზღვროს და ის პირები, რომელთა სიაც მან საკრებულოს წარუდგინა, მზად არიან, ჩაერთონ პროექტში.

საფინანსო - საბიუჯეტო კომისიის თავმჯდომარე, ვარლამ ჭიბაშვილი, დანტერესდა, თუკი ბიუჯეტში იმის რესურსი არსებობდა, ბიბლიოთეკისათვის დამატებითი თანხები გამოყოფილიყო, მაშინ რატომ მოხდა იქ თანამშრომლების გათავისუფლება?

საბოლოოდ, დეპუტატების უმრავლესობამ ცენტრალური ბიბლიოთეკისათვის 20 ათასი ლარის გადაცემას მხარი არ დაუჭირა. აღნიშნული საკითხის განხილვა 3 აპრილის გამართულ საკრებულოს მორიგ სხდომაზეც განახლდა. სხდომას „ხესტაფონის უსინათლოთა კავშირის“ წარმომადგენლები ესწრებოდნენ, რომელთა შემადგენლობაში ხარაგაულის მოქალაქეებიც შედიან.

„ხესტაფონის უსინათლოთა კავშირის“ თავმჯდომარე ვასილ ლომიძემ დეპუტატებს საკითხის გადახედვა კიდევ ერთხელ სთხოვა. მისი განმარტებით, ამ ადამიანებს ნამდვილად ესაჭიროებათ ბრაილის შრიფტით კითხვისა და კომპიუტერული ტექნიკის შესწავლა. საკრებულოს თავმჯდომარე მანანა ბარბაქაძე აღნიშნავს, რომ საკრებულო უსინათლოთა პროგრამის განხორციელების წინააღმდეგი არ არის, მაგრამ ამისთვის თანხები სოციალურ პროგრამებს არ უნდა აკლდებოდეს.

ვარლამ ჭიბაშვილმა საკრებულოს თავმჯდომარის პოზიცია გაიზიარა. მისივე განმარტებით, უსინათლო ადამიანების ხელშეწყობის მიზნით განსახორციელებელ რეალურ პროექტს საკრებულოს უმრავლესობა მხარს დაუჭირდა, მაგრამ ამ შემთხვევაში საკითხი იყო დაუსაბუთებელი და ბუნდოვანი. „პროექტის უპირველესი მიზანი იყო ადამიანების დასაქმება და არა უსინათლოების დახმარება. უსინათლო ადამიანების შეცდომაში შეყვანა, თითქოს და საკრებულო მათთვის დახმარების წინააღმდეგია, სიცრუეა და იაფფასიანი პოპულიზმია.“ - აღნიშნა საფინანსო - საბიუჯეტო კომისიის თავმჯდომარემ.

ჭიბაშვილი ფინანსური სიმცირის გამო პროექტის ფარგლებში 8 პიროვნების დასაქმებას მიზანშეწონილად მიიჩნევს, მაშინ როდესაც აღნიშნულ პროგრამაში ჩართვის მსურველი 15 ბენეფიციარია.

ფრაქცია „ერთიანი ნაციონალური მოძრაობის“ თავმჯდომარე, თორნიკე ავალიშვილი, პროექტის დაფინანსების წყაროზე საუბრობს. მისი თქმით, სოციალური ხარჯების შემცირება საჭიროა, თუ წარმომადგენლობითი ხარჯების შემცირება მოხდება.

სხდომის დასრულებისას „უსინათლოთა კავშირის“ წევრმა, მზია კურტანიძემ, განაცხადა, რომ „უსინათლოთა არაფორმალური განათლების ხელშეწყობისათვის“ მათ ფართი და თანამშრომელთა სახელფასო ანაზღაურებისათვის 5 ათასი ლარი ესაჭიროებათ. შეეხსენებთ, რომ ხარაგაულის მუნიციპალიტეტში 59 უსინათლო პიროვნებაა.

თამარ მაღრაძე

ქვემოთაღობის მოსახლეობის ჩართულობით მუნიციპალიტეტის განვითარების გზაზე საინიციატივო ჯგუფი

ხარაგაულის მუნიციპალიტეტის გამგებობის მოადგილის, არჩილ მალრადის, ინიციატივით მარტვილის ცენტრალურ გზაზე ჩამოწოლილი მეწყერის შედეგად გამოწვეული პრობლემა აღმოფხვრილია. მისივე თქმით, ახლად მოასფალტებულ გზაზე მეწყერით გამოწვეული ჩახერგილი გზის განმედიდითი სამუშაოები რამდენიმე დღის განმავლობაში მიმდინარეობდა. ამ დროისთვის გზაზე გადაადგილება საფრთხის არ წარმოადგენს. სამუშაოები ადგილობრივი ბიუჯეტიდან დაფინანსდა და იგი შპს „ხარაგაული-2011-მა“ შეასრულა. ადგილობრივი მოსახლეობის ჩართულობით მოხდა ასევე გზის გასწვრივ სანიავლო არხების განმედიდა.



პროექტის ფარგლებში „სუფთა გარემო ჩვენი უფლებაა, დაცვა-მოვალეობა“ მორიგი შეხვედრა გაიმართა

28 მარტს მყარი ნარჩენების მართვასთან დაკავშირებით არასამთავრობო ორგანიზაციის „ქალები ქვეყნის მომავლისათვის“ ხელმძღვანელმა, ხათუნა მანჯავიძემ, ხარაგაულის ცენტრალური ბიბლიოთეკის სამკითხველო დარბაზში მორიგი შეხვედრა გამართა. შეხვედრის მიზანი პროექტში „სუფთა გარემო ჩვენი უფლებაა, დაცვა-მოვალეობა“ ჩართული კოორდინატორი ქალბატონების, გარემოსდაცვითი და ნარჩენების მართვის საკითხებზე, ცნობიერების ამაღლება გახლდათ. პროექტი ინიციატიური და სპონტანური ნაგავსაყრელების აღრიცხვასა და მათ გაკულტურებას ითვალისწინებს. ხათუნა მანჯავიძე აღნიშნავს, რომ საქართველოში გარემოსდაცვითი პრობლემების წინაშე დგას.

სოფლებში მოსახლეობა საყოფაცხოვრებო ნარჩენებს, გზისპირას ან მდინარის ნაპირას ყრის, რის შემდეგაც ნარჩენები მცირე ზომის უკონტროლო ნაგავსაყრელები. მისივე განმარტებით, ძალიან ხშირია გარემოს დაზიანებები ნარჩენებით, რომელიც საფრთხის უქმნის არა მარტო გარემო პირობებს, არამედ ადამიანების ჯანმრთელობასაც. ქალბატონი ხათუნა თვლის, რომ საზოგადოებამ უნდა გამოიჩინოს მეტი ყურადღება, იზრუნოს თავის სამშობლოზე. როგორც ეს განვითარებულ ქვეყნებში ხდება. მისივე თქმით, ხარაგაულის ადგილობრივი ხელისუფლება და მუნიციპალიტეტის გამგებელი ნიკოლოზ თოფურაძე გარემოსდაცვით პროგრამებში აქტიურადაა ჩართული და მომავალში

ამ მიმართულებით მნიშვნელოვანი აქტივობები დაიგეგმა. შეხვედრას ესწრებოდა გამგებობის თანამშრომელი გენდერულ საკითხებში, ინგა ბერაძე, რომელმაც აღნიშნა, რომ პროექტი საკმაოდ საინტერესოა და იგი ქალბატონებს აძლევს გარემოზე ზრუნვისა და დასაქმების საშუალებას. მისივე თქმით, ადგილობრივი ხელისუფლებამ მაქსიმალურად შეეცდეს, ფინანსური თუ მატერიალური დახმარება გაუწიოს ასეთი საინტერესო იდეების განხორციელებას. შეხვედრის ბოლოს პროექტის ხელმძღვანელმა, ხათუნა მანჯავიძემ, ინგა ბერაძეს პროექტის მხარდაჭერისთვის მადლობა გადაუხადა.

თამარ მაღრაძე

საქართველოს განათლებისა და მეცნიერების სამინისტრომ თავისუფალ პროფკავშირებთან დარგობრივი შეთანხმება გააფორმა

ხარაგაულის საგანმანათლებლო რესურსცენტრში სკოლის დირექტორებთან შეხვედრა გაიმართა, რომელზეც რესურსცენტრის უფროსმა, დავით კიკნაძემ, განათლების სამინისტროსა და პროფკავშირებს შორის დარგობრივი ხელშეკრულების გაფორმების მნიშვნელობაზე ისაუბრა.

საგანმანათლებლო დაწესებულებაში დასაქმებულთა ხელშეწყობასა და მათ მხარდაჭერაზე ორიენტირებულ დარგობრივ შეთანხმებას საქართველოს პედაგოგთა და მეცნიერთა თავისუფალ პროფკავშირსა (სპმთა) და განათლებისა და მეცნიერების სამინისტროს შორის 16 მარტს სასტუმრო „რედისონ ბლუ ივერიაში“ მოეწევა ხელი. შეხვედრას 300 მონაწილე სტუმარი ესწრებოდა, მათ შორის, 190-ზე მეტი სპმთა-ის წევრი პედაგოგი, 58 სკოლის დირექტორი, 15 რაიონული საგანმანათლებლო რესურსცენტრის უფროსი, საქართველოს

65 რაიონიდან. ღონისძიებაზე ასევე იმყოფებოდნენ აღმასრულებელი და საკანონმდებლო ხელისუფლების მაღალი რანგის პირები და საერთაშორისო წარმომადგენლები.

ღონისძიებას ხარაგაულის მუნიციპალიტეტიდან საგანმანათლებლო რესურსცენტრის უფროსი დავით კიკნაძე, პროფკავშირების ხარაგაულის რაიონული ორგანიზაციის თავმჯდომარე ლალი სეზისკვერაძე, მესამე საჯარო სკოლის დირექტორი მარინე ხვედელიძე და ბაზალეთის სკოლის პედაგოგი თეა ტალახაძე ესწრებოდნენ. დარგობრივი შეთანხმების ძირითადი პრინციპებია: კანონმდებლობის დაცვა, საგანმანათლებლო და სამეცნიერო დაწესებულებებში დასაქმებულთა შრომითი, სოციალურ-ეკონომიკური, სამართლებრივი და პროფესიული ინტერესებისა და უფლებების დაცვა. მხარეთა თანასწორუფლებიანობა; ვალდებულების



აღების ნებაყოფლობითობა; ნაკისრი ვალდებულებების შესრულების კონტროლი და პასუხისმგებლობა; ხარისხიანი განათლების მიღების ხელშეწყობა. დღეისათვის საქართველოს პედაგოგთა და მეცნიერთა თავისუფალ პროფკავშირში გაერთიანებულია საგანმანათლებლო დაწესებულების 40 000-ზე მეტი დასაქმებული, რაც დარგობრივი შეთანხმების გაფორმებისთვის ერთ-ერთი საფუძველი გახდა. დარგობრივ შეთანხმებას ხარაგაულის რაიონული ორგანიზაციის თავმჯდომარე, ლალი სეზისკვერაძე, აქტიური თანამშრომლობისათვის და სკოლების წარმომადგენლებს მეტი ჩართულობისაკენ მოუწოდა. ლალი სეზისკვერაძემ სკოლის დირექტორებსა და რესურსცენტრის წარმომადგენლებს ამ მნიშვნელოვანი შემორანდუმის გაფორმება მოულოცა და დასძინა, რომ 16 მარტი მართლაც ისტორიული დღეა, რადგან ამარტო ხელშეკრულების გაფორმება სამომავლო თანამშრომლობასა და ურთიერთობას სასიკეთოდ წაადგება. ლელა გუგულაშვილი

რეგიონული განვითარების ფონდიდან ხარაგაულის მუნიციპალიტეტს ინფრასტრუქტურული პროექტების განსახორციელებლად 3 535 500 ლარი გამოეყო

ხარაგაულის მუნიციპალიტეტის გამგებობის, ნიკოლოზ თოფურაძის ინიციატივით, საქართველოს მთავრობის N569 განკარგულების საფუძველზე, ინფრასტრუქტურის სამინისტროს რეგიონული განვითარების ფონდიდან ხარაგაულს 3 535 500 ლარი გამოეყო.

აღნიშნული თანხით მუნიციპალიტეტში შემდეგი პროექტები განხორციელდება: 1. სოფელ ნადაბურში საბავშვო ბაღისთვის შენობის რეაბილიტაცია - 190 720 ლარი; 2. სალანძლოს ადმინისტრაციული ერთეულის სოფლებში (სოფელი ვანი 3 760 მეტრი, სოფელი ჩხერი 1 000 მეტრი) გზების რეაბილიტაცია 4, 8 კმ - 932 210 ლარი; 3. წყალაფორების ადმინისტრაციული ერთეულის სოფლებში (სოფელი ხონი 400 მეტრი, სოფელი ლახუნდარა 1 500 მეტრი) გზების რეაბილიტაცია 1 900 მეტრი - 344 000 ლარი;

4. ხევის ადმინისტრაციული ერთეულის სოფელ ნაქვამი გზის რეაბილიტაცია 1,5 კმ. - 262 950 ლარი; 5. ბორითის ადმინისტრაციული ერთეულის სოფელ მაქათუბანში გზის რეაბილიტაცია 2 კმ, სოფელ ვაღლივის პირველი უბნის (ტაბართან) გზის რეაბილიტაცია 880 მეტრი - 450 130 ლარი; 6. ბაზალეთის ადმინისტრაციული ერთეულის სოფელ ლარხევში გზის რეაბილიტაცია 685 მეტრი - 66 490 ლარი; 7. მორითის ადმინისტრაციული ერთეულის სოფელ ქვების ცენტრალური გზის რეაბილიტაცია 1 კმ. - 152 750 ლარი; 8. სოფელ ვახანის ცენტრალური გზის რეაბილიტაცია - 443 460 ლარი; 9. ნებოძის გზის რეაბილიტაცია - 151 970 ლარი; 10. სოფელ ლაშის იგორეთის საავტომობილო გზის რეაბილიტაცია - 250 000 ლარი; 11. სოფელ ხიდარში სკოლასთან მისასვლელი

გზის მობეტონება - 61 700 ლარი; 12. სოფელ ვარძაში პირველი უბნის გზის მობეტონება 500 მეტრი - 59 500 ლარი; 13. სოფელ გოლათუბანში ცენტრალური გზის რეაბილიტაცია 500 მეტრი - 51 000 ლარი; 14. სოფელ ვერტყვიჭალაში სასოფლო გზის მობეტონება - 118 600 ლარი.

პროექტების განსახორციელებლად ხარაგაულის მუნიციპალიტეტი თანადაფინანსების სახით დამატებით 5%-ს გამოყოფს, რომელიც უკვე გათვალისწინებულია 2017 წლის ბიუჯეტში. მნიშვნელოვანია, რომ მიმდინარე წელს იმერეთის მუნიციპალიტეტებს შორის ხარაგაული ერთადერთია, რომელსაც ინფრასტრუქტურის პროექტის განსახორციელებლად სამ მილიონ - ნახევარ ლარზე მეტი გამოეყო.

საეროების წევრებმა უცხოეთის სამსახურის ანგარიში დადებითად შეაფასეს



3 აპრილს საკრებულოს მორიგ სხდომაზე დეპუტატებმა განათლების, კულტურის, სპორტისა და ახალგაზრდობის საქმეთა სამსახურის მიერ გაწეული მუშაობის შესახებ ანგარიში მოისმინეს. საკითხი ამავე სამსახურის უფროსმა, ირინე ჩხეიძემ, წარმოადგინა და სამომავლო გეგმებზეც ისაუბრა.

ფრაქცია „ქართული ოცნება - დემოკრატიული საქართველო“ თავმჯდომარემ, ვარლამ (ტატო) თავზარაშვილმა, ირინე ჩხეიძეს მადლობა გადაუხადა

აქტიური მუშაობისათვის და აქვე აღნიშნა, რომ კულტურის სფეროში მოღვაწე აქტივობებმა მეტი ყურადღება უნდა გამოიჩინონ და დაგეგმილი ღონისძიებების შესახებ საკრებულოს წევრების ინფორმირება მოახდინონ. საფინანსო-საბიუჯეტო კომისიის თავმჯდომარეს, ვარლამ ჭიბაშვილს, წლებია, პრეტენზია აქვს აქტივობების მიმართ. მისი აზრით, ღონისძიებებში ჩართვის საშუალება სოფლის მოსახლეობასაც უნდა ჰქონდეთ. ჭიბაშვილმა საკითხის მოგვარება ქალბატონ ირინე ჩხეიძეს სთხოვა. საკრებულოს თავმჯდომარემ, მანანა ბარბაქაძემ, სხდომაზე ოთარ აბაშიძის სახელობის სახალხო თეატრის ქალთა კოლონიაში სტუმრობა გაიხსენა, რისთვისაც თეატრის რეჟისორის მადლობა გადაუხადა. დეპუტატების უმრავლესობამ კულტურის სამსახურის ანგარიში დადებითად შეაფასეს. ამავე სხდომაზე საკრებულოს წევრებმა ხარაგაულის მუნიციპალიტეტის თვითმმართველი ერთეულის 2016 წლის ბიუჯეტის შესრულების შესახებ ანგარიში მოისმინეს და დადებითად შეაფასეს.

თამარ მაღრაძე

„ვის წყალობაზე ხეცის თან სდევს...“

როცა უნდა შეხვედეთ პიროვნებას, რომელიც, საამაყო წინაპართაგან მოყოლებული, საქართველოსთან და „ქართლის ბედთან“ იყო და არის დაკავშირებული, შეზრდილ-შესისხლბორცვილი, უზომო პატივისცემა, სიყვარული და მოკრძალება გიპყრობს მის მიმართ და მოუთმენლად ელოდები მასთან პირისპირ შეხვედრის სანეტარო წუთებს...

სწორედ ამგვარი იყო ჩემი განცდა, და არა მარტო ჩემი, არამედ იმ საზოგადოების თითოეული წევრისა, რომელსაც წილად ხვდა ბედნიერება ხარაგაულის ცენტრალური ბიბლიოთეკის (დირექტორი ნიკოლოზ მაჭავარიანი) ერთობ აქტიულოზური პროექტით „შეხვედრა ცნობილ ადამიანებთან“ ემსახურებოდა დიდი მწერლისა და მამულიშვილის, ქართული მხატვრული სიტყვის დიდოსტატის, კონსტანტინე გამსახურდიას შვილიშვილისთვის, რომელიც, როგორც ბაბუის სესხია, მაღალი პატრიოტული შეგნებით აგრძელებს იმ ძნელადსავალ გზებზე სვლას, საქართველოს დამოუკიდებლობას, მის ჭეშმარიტ მომავალს რომ უკავშირდება...

როგორც რეგულარულად მსმენელმა, არ შემძლია, ჩემი აღფრთოვანება არ გამოვხატო იმ მაღლიანი სწორქართული მეტყველების მიმართ, რომელიც ორატორმა პირველი წუთებიდანვე დაიპყრო აუდიტორია. მისმა „კრილოსანმა“ შთამბეჭდავად ჩამომარცვლა ჩვენი უახლოესი ისტორიის თავისუფლებისა და დამოუკიდებლობისათვის ბრძოლის დღეები. ხაზი გაუსვა იმ მძიმე ატმოსფეროს, რომელშიც უხდებოდათ ყოფა-მოღვაწეობა მამულის ბედნიერებისათვის შენეულ ქართველ დისიდენტებს.

როცა 1991 წლის 9 აპრილს სა-



ქართველოს დამოუკიდებლობა გამოცხადდა, ქვეყნის პირველმა პრეზიდენტმა, ზვიად გამსახურდიამ, სიღრმისეულად განსაზღვრა დრო სამომავლო, და საზოგადოებას მიმართა: „თქვენ გიხარიათ, მაგრამ ბრძოლა ახლა იწყება!“ რა აზრობრივ - სინონიმური დამთხვევაა პოეტის მიერ გამოხატული ქართველთა განუყოფელი ბედისა - „ომში ვართ, ომში ვიყავით, ომში ვიქნებით ხვალეც...“

დროთა სვლა, ჭეშმარიტი ისტორია, ყველაფერს ამზერებს, ჩამოაშორებს იმ ბურუსს, რომელიც ფართო საზოგადოებისათვის ჩქმალავს რეალობის ბევრ ფაქტს. გენამს, ასე ჩამოხსენება ფარდა ხიბულისა და ბორითის ტრავმების. ჭეშმარიტი სამართალია და დადგენა, რომ ზვიადის სულში მუდამ „სიცოცხლე ნავარდობდა“, ათასგვარ ჯოჯოხეთსა და ჯურღმულებს გაუძლო მისმა გაუტყუებელმა სულმა და განა შეიძლება იფიქრო, რომ მან თვითმკვლელობით განწყვიტა სიცოცხლესთან მიერთებული ძლიერი არტერია? რასაკვირ-

ველია, არა და არა!

„თქვენი კოლხური კოშკი როგორ უნდა დატოვოთ?..“ როცა მსმენელთა თხოვნით, ორატორი თავისი სახელოვანი წინაპრის, დიდი კონსტანტინე გამსახურდიას, ამაღლებული ცხოვრების ეპიზოდებს შეეხო, კოცონით აგიზგიზდა ჩემს სულში იმ დიდი სიყვარულის გრძობა, რასაც გამორჩეული რომანისტის ცხოვრებასა და შემოქმედებასთან ყოველი მიახლებისას განვიცდი...

...მომავლად 1975 წლის 20 ივლისს, როცა მწერალთა სასახლეში დასვენებული დიდი პროზაიკოსის ცხედარი მარადიულ ყოფასთან შესაერთებლად გულში უნდა ჩაეკრა კოლხური კოშკის უმშვენიერეს ეზოს, სადაც მას ელოდნენ: უსათნოესი მეუღლე, თავად ნიკოლოზ ფალავანდიშვილის ასული, მირანდა და საფიცარი ქალიშვილი, საქართველოს ისტორიის მკვლევარი, სამზუნოდან ნაადრევად წასული, თამარ გამსახურდია...

...შავებით შებურული ავტომობი-

ლი მწერალთა სასახლეს მოადგა შაფროსისანი ვაჟკაცებით. ეს მწერლის ვაჟი, ზვიად გამსახურდია, იყო თავის ქრისტესმიერ ძმებთან ერთად.

რუსთაველის პროსპექტი... ქაშვეთის ზარების გუგუნს ერწყმოდა რეპროდუქტორებიდან მწერლის შთამბეჭდავი ხმა, მის თხზულებათა პერსონაჟების დიალოგები... პროცესიამ გაღის ქუჩისაკენ, კოლხური კოშკისაკენ, შეუხვია. მალე ეზოს მისადგომები ადამიანთა ნაკადს ველარ იტევდა. არადა, ჩემი ემოციების პატრონი, როგორ შევძლებდი უკან ისე გამობრუნებას, რომ დიდი მწერლის ძვალშესალაგი, მის უახლოეს ადამიანთა საფლავები არ მეხილა... მესამე ნაკადზე ფილმ „დიდოსტატის მარჯვენის“ მსახიობები (ლალი ბადურაშვილი, ოთარ მეღვინეთუხუცესი, თენგიზ არჩვაძე და სხვ.) შედიოდნენ. შევძელი და მათ ნაკადს ჩემნაირ სამიოდე არამსახიობთან ერთად, შევეურთდი. იქვე, ჭიშკრის მახლობლად, „შორენას საყვარელ შველს, ნებიერას,“ მისწვდა ჩვენი მზერა.

ახლა არ ვიცი და მაშინ ეზოს კონსტრუქციის საფლავები თითქმის არ არღვევდა... უბრალოდ, კონდრისებრი ბალახით იყო შემოფარგლული ორი უძვირფასესი სამარე... როგორ ესადაგებოდა ბატონ კონსტანტინეს არჩევანს - დაეკრძალათ მხოლოდ კოლხური კოშკის ეზოში - პოეტის სტრიქონები:

„კონსტანტინე ბატონო, გლოვობს დედაბუნებაც, თქვენ გოეთეს ასაკში მოსწყდით დროთა ბრუნებას... ამ ერთს ველარ ვიჯერებთ,

კონსტანტინე ბატონო, თქვენი კოლხური კოშკი როგორ უნდა დატოვოთ?“

აკი არც დატოვო... კოლხური კოშკიდან თითქოს კვლავ ისმის მისი მგზნებარე გულისცემა, რომელიც ერწყმის მთელი საქართველოს მაჯისცემას, თითქოს და მოწონების ნიშნად თანხმობას უცხადებს სამშობლოსათვის ზვარაკად შეწირული პირმშოს, ზვიად გამსახურდიას, უფლის შთაგონებით ამოთქმულ ჭეშმარიტებას:

„ვის წყალობაზე ხეცის თან სდევს მსხვერპლის არდარიდებით, ის აღდგომის შარავანდედს შეიმოსავს დიდებით!“

ძვირფასო სტუმარო, ბატონო კონსტანტინე!

ხარაგაულელთა მიმართ თქვენგან ესოდენ დაფასებისა და ჩვენთან სტუმრობის ნიშნად მიიღეთ ჩვენი გულწრფელი მადლობა.

ამ შეხვედრიდან სულ რამდენიმე დღეში, 31 მარტს, თქვენ სათაყვანო მამას, ქართველთა პირველ პრეზიდენტს, ზვიად გამსახურდიას, დაბადებიდან 78 წელი შეუსრულდა. რომ არა 1993 წლის 31 დეკემბრის ხიბულის ტრავმადია, ვინ იცის, კიდევ რამდენი პატრიოტული ფურცლით შეივსებოდა საქართველოს უახლესი ისტორია...

გენამს, რომ „ივრია გაბრწყინდება“ და ყველა ის მამულიშვილი შეიმოსავს ზეადგომის, ბორტებზე სიკეთის გამარჯვების, შარავანდედს „ვის წყალობაზე ხეცის თან სდევს...“ ჭეშმარიტად!

მერი გომრბიძე

მაღლე აშრიალდებდა „სიყვარულის ხეივანებს...“



როცა ამბობენ, გული არ ბერდება, ვეთანხმები. წლები მემბატება, თუმცა „გული შემრჩა მარად უბერებელი.“ ჩემს პროფესიაზე რომ არაფერი ვთქვა, რომელიც თავდავინყებთ მიყვარს, მახარებს ყოველი მოსწავლის უმნიშვნელო წარმატებაც კი და მუდამ თვალს ვადევნებ ყველა იმ ინიციატივას, რომელიც ხშირად ხარაგაულიდან იღებს სათავეს...

წლებიდან 22 მარტს უაღრესად ბედნიერ თარიღად მივიჩნევ ჩემს ბიოგრაფიაში. ამ დღეს მონაწილეობა მივიღე იმ საშვილიშვილო საქმეში, რომელიც „სიყვარულის ხეივანების“ გაშენებას უკავშირდება. და, რაც მთავარია, ვამაყობ, რომ ამ პატრიოტული ინიციატივის თაოსანია ხარაგაულის მესამე საჯარო სკოლის (ყოფილი რკინიგზის მე-10 სკოლა) აღზრდილი, ხარაგაულის რეზო თაბუკაშვილის სახელობის სახალხო ლიტერატურული თეატრის დამფუძნებელი, ქალბატონი იზა ვეფხვაძე.

ადრინა დილით ხარაგაულის დელეგაციის წევრები შევუერთდით თბილისის დელეგაციას, რომელიც დაკომპლექტებული იყო მეცნიერებისა და ხელოვნების თვალსაჩინო წარმომადგენლებით.

პირველად ცნობილი მწერლისა და მამულიშვილის, ოტია იოსელიანის, კერას ვესტუმრეთ წყალტუბოში (ხელოვნების ქ.11)

საფლავთან პატივი მივაგეთ მწერლის მარადიულ ხსოვნას, ხლო შემდეგ სიმბოლურად რამდენიმე ცაცხვის ხე დაერგეთ გარჯა-შრომით დამშვენებულ ეზოში.

მწერლის სახლში, რომელიც ცნობილ პროზაიკოსს ლიტერატურული სალინი ჰქონდა დაფუძნებული, გულთბილი დახვედრა მოგვიწყვეს მასპინძლებმა - დაჩი იოსელიანმა და მისი ოჯახის წევრებმა.

ქალბატონმა იზა ვეფხვაძემ, მერი გომრბიძე და ამ სტრიქონის ავტორმა ხაზი გაუსვეს იმ დიდ სიყვარულს, რაც ბატონ ოტიას ხარაგაულის საზოგადოებასთან აკავშირებდა,

რომ ამ კედლებშიც ხშირად სტუმრებიან ხარაგაულელები დიდ მამულიშვილს.

წყალტუბოსა და ქუთაისის არაერთი ცნობილი პიროვნება შემოუერთდა იმ დღეს „სიყვარულის ხეივანის“ გაშენების უმშვენიერეს აქციას.

მაღლე გეზი წყალტუბოს ცენტრისაკენ ავიღეთ. აქ, ოტია იოსელიანის ქუჩაზე, ჩვენთან ერთად სასამოელო პროცესში აქტიურად ჩაერთნენ მწერლის ვაჟი, ბატონი დაჩი იოსელიანი, რძალი თეა გომრბიძე, და ბაბუის სესხია შვილიშვილი, ოტია იოსელიანი.

ქუთაისში მოსწავლე -ახალგაზრდობის პარკს (დირექტორი, მწერალი გიზო თავაძე) ვეწვიეთ. ძალიან გავიხარეთ, როცა ამ ინიციატივის მიმართ მადლიერება გამოხატა ქუთაისის მაჟორიტარმა დეპუტატმა გენადი მარგველაშვილმა. მან ხაზი გაუსვა იმ სასიკეთო ზრუნვას, რასაც პარკის ადმინისტრაცია ახორციელებს, რათა ეს უმშვენიერესი ადგილი კიდევ უფრო მიმზიდველი და საინტერესო გახდეს მომსწველთათვის.

„სიყვარული ყოველისშემძლე ძალაა და ჩვენი გაშენებული ხეივანებიც ამ ძალას კიდევ უფრო აამაღლებს, გააძლიერებს.“



—დასძინა დეპუტატმა. გამომგზავრებისას, როგორც ქალბატონმა იზამ აღნიშნა, უახლოეს მომავალში ხეივანები გუდამაყრის ხეობაშიც გაშენდება.

გენამს, სულ მალე სრულიად საქართველოში აშრიალდება „სიყვარულის ხეივანები...“

მერი გომრბიძე, დაბის მესამე საჯარო სკოლის პედაგოგი

პროკურორმა კობა სირაძემ ოჯახური ძალადობის თემაზე ხარაგაულში შეხვედრა გამართა



ხარაგაულის კინოთეატრში ზესტაფონის რაიონული პროკურორის პროკურორმა კობა სირაძემ, „ოჯახური ძალადობის“ თემაზე შეხვედრა გამართა. შეხვედრას ესწრებოდნენ როგორც ადგილობრივი ხელისუფლების, ასევე საზოგადოების წარმომადგენლები. ბატონმა კობამ აუდიტორიას კიდევ ერთხელ შეახსენა ის მტკივნეული თემა, რასაც ოჯახური ძალადობა ჰქვია და მოქალაქეების მიერ დასმულ კითხვებსაც ამომწურავი პასუხები გასცა. პროკურორის ინფორმაციით, ოჯახური ძალადობის შემთხვევები საკმაოდ ბევრია, თუმცა ხარაგაული სხვა მუნიციპალიტეტებთან შედარებით წყნარი რაიონია და დანაშაულთა რაოდენობაც მცირეა. მისივე თქმით, საზოგადოებაში დამკვიდრებულია აზრი, რომ ოჯახური ძალადობა მხოლოდ ფიზიკური შეურაცხყოფაა, მაგრამ არსებობს ფსიქოლოგიური და სექსუალური ძალადობა. ძალადობად ითვლება ასევე ქცევის კონტროლი. კობა სირაძე ამბობს, რომ ოჯახში ძალადობის მსხვერპლი ხშირად, ქალბატონები არიან და, ქართული მენტალიტეტიდან გამომდინარე, ისინი ხშირ შემთხვევაში სამართალდამცავ ორგანოებს არ მიმართავენ. პროკურორმა ხაზი გაუსვა იმ ფაქტს, რომ ასეთი პრეცედენტების არსებობის შემთხვევაში აუცილებლად უნდა ეცნობოს სამართალდამცავ ორგანოს.

ოჯახური ძალადობის ფაქტებზე სასჯელი შეიძლება იყოს სისხლის სამართლის ან ადმინისტრაციული. იმ შემთხვევაში, თუ ასეთ ფაქტს არ აქვს ადგილი შეიძლება გამოიცეს შემაკაველები ან დაცვის ორდერი, რომლის მიხედვითაც მოძალადეს, გარკვეული ვადით, ეკრძალება მსხვერპლთან მიახლოება, ტელეფონით საუბარი და ა.შ.

შეხვედრაზე კობა სირაძემ ავტოსაგზაო შემთხვევებსა და ნარკოდანაშაულზეც ისაუბრა. მისი ინფორმაციით, ხარაგაულში ნარკოდანაშაულისა და ქურდობის საკმაოდ ბევრი ფაქტებია გამოვლენილი. რაც შეეხება ავტოსატრანსპორტო შემთხვევებს, მას ადგილი აქვს ნასვამ მდგომარეობაში მყოფი მძღოლების მხრიდან. პროკურორი განმარტავს, რომ ნარკოდანაშაულის, ოჯახური ძალადობისა და ავტოსატრანსპორტო დანაშაულები შემთხვევების დროს, არასრულწლოვან მოქალაქეებს, ზოგ შემთხვევაში, სასჯელის ფორმები უმსუბუქდებათ და მათ განრიდება საზოგადოებისთვის სასარგებლო შრომის სახით ეფარდებათ.

იკა შაჰიძე

პროექტის „თანამშრომლობა წარმატებული მომავლისათვის“ ფარგლებში პირველი ღონისძიება მოეწყო



29 მარტს ხარაგაულის ცენტრალური ბიბლიოთეკის სამკითხველო დარბაზში პროექტის „თანამშრომლობა წარმატებული მომავლისათვის“ ფარგლებში პირველი ღონისძიება მოეწყო. ღონისძიებაზე მონაწილეებმა ერთმანეთს თავიანთი შემოქმედება გააცნეს, ნაიკითხეს საკუთარი და საყვარელი პოეტების ლექსები, ჩანახატები. გამართეს დისკუსია აქტუალურ და პრობლემურ საკითხებზე. დისკუსიაში ჩაერთნენ უფროსი თაობის წარმომადგენლებიც. განსაკუთრებით საინტერესო ლექსები წარმოადგინეს მეორე საჯარო სკოლის მოსწავლე ლიზი ბარბაქაძემ და მოლითის საჯარო სკოლის მოსწავლე გიორგი კაკიაშვილმა. შეხვედრაზე დამსწრე საზოგადოებამ მოისმინა ასევე მესამე საჯარო სკოლის მოსწავლის, ანი მეიფარიანის, ლექსები. განსაკუთრებით შთაბეჭედავად ნაიკითხა ლექსი „გურიის მთები“ ირინე ჩხეიძემ (განათლების, კულტურის, სპორტისა და ახალგაზრდობის საქმეთა სამსახურის უფროსი) და მოსწავლეებს საკუთარი გამოცდილება გაუზიარა. ცენტრალური ბიბლიოთეკის დირექტორმა,

ნიკოლოზ მაჭავარიანმა, განაცხადა, რომ მსგავსი საინტერესო ღონისძიებები ხშირად ჩატარდება, თუ ახალგაზრდების მხრიდან ამის სურვილი იქნება. შეხვედრას ბალდათი-ხარაგაულის მაჟორიტარი დეპუტატის ბიუროს ხელმძღვანელი ოთარ ლურსმანაშვილი და ხარაგაულის საგანმანათლებლო რესურსცენტრის სპეციალისტი, ნათია კაციტაძე ესწრებოდნენ, რომლებიც ახალგაზრდული ფორუმის წევრების მხარდამჭერები არიან. დასასრულს მარინა მუმლაძემ მოსწავლეებს სიმბოლური საჩუქრები გადასცა. მონაწილეებმა ერთობლივად გადანიჭეს, რომ მომდევნო შეხვედრისას ფილმის ჩვენება გაიმართება.

შეგახსენებთ, რომ აღნიშნულმა პროექტმა, 5 თებერვალს ქუთაისში გამართულ ახალგაზრდულ ფორუმზე, მონაწილეები დაიმსახურა, რომელიც ხარაგაულის წმინდა ანდრია პირველწოდებულის სახელობის გიმნაზიის მოსწავლეებმა და სამოქალაქო განათლების პედაგოგმა მარინა მუმლაძემ ზესტაფონის მუნიციპალიტეტის ბოსლევისა და ზედა საქარის საჯარო სკოლების წარმომადგენლებთან ერთად წარადგინა.

ფორუმი ორგანიზებული იყო სამოქალაქო განათლების პროგრამის „მომავლის თაობის“ ფარგლებში, რომელსაც ახორციელებს ამერიკული ორგანიზაცია „PH international“, ამერიკის შეერთებული შტატების საერთაშორისო განვითარების სააგენტოსა და საქართველოს განათლებისა და მეცნიერების სამინისტროს მხარდაჭერით.

ლელა გუგულაშვილი

შაქრიანი ღიაბეტის შესახებ ბორის სკოლა-პანსიონში ლექცია-სემინარი ჩატარდა

ხარაგაულის საზოგადოებრივი ჯანმრთელობის დაცვის ცენტრი, დაავადებათა პრევენციის პროგრამის ფარგლებში, აგრძელებს ხარაგაულის მუნიციპალიტეტის მოსახლეობის ინფორმირებას სხვადასხვა დაავადების შესახებ. ამჟამად, ცენტრის იმუნიზაციის განყოფილების უფროსის თანაშემწემ, ნანა ბერაძემ, ბორის სკოლა-პანსიონში ლექცია-სემინარი გამართა თემაზე - „შაქრიანი დიაბეტი არა დაავადება, არამედ ცხოვრების განსაკუთრებული წესია.“ მსმენელებს განემარტათ დიაბეტის, როგორც დაავადების მართვის საშუალებები. მათ მიიღეს სრული ინფორმაცია, თუ რა არის შაქრიანი დიაბეტი და რა ინვესტია მას. რა რისკ-ფაქტორები არსებობს ამ დაავადების, განვითარებისა და რა გართულე-



ბები ახლავს თან. საუბარი იყო ასევე თუ რა რეკომენდაციები უნდა გაითვალისწინონ მოქალაქეებმა, დიაბეტი საწყის პერიოდში რომ აღმოიფხვრას. დიაბეტი განკურნებადია! დიაბეტი კონტროლირებადია! დიაბეტის გართულებების პრევენცია შესაძლებელია! დროული დიაგნოსტიკა პაციენტებისთვის, საკუთარი თავის მოვლის სწავლება და ეფექტური მკურნალობის ხელმისაწვდომობა შაქრიანი დიაბეტის, როგორც დაავადების, აღმოფხვრის აუცილებელი კომპონენტებია.

ხარაგაულში თამაზ გიორგაძის ხსოვნისადმი მიძღვნილი რესპუბლიკური ტურნირი გაიმართა



პირველ აპრილს ხარაგაულში ბერძნულ-რომაულ ჭიდაობაში თამაზ გიორგაძის ხსოვნისადმი მიძღვნილი პირველი რესპუბლიკური ტურნირი გაიმართა. შეჯიბრი, 2005-2006 წლებში დაბადებულ ჭაბუკთა შორის, ბერძნულ-რომაულ ჭიდაობაში ჩატარდა, რომელშიც მონაწილეობდნენ: ხარაგაულის, ბორჯომის, ხაშურის, ქუთაისის, ბალდათის, ზესტაფონის, თერჯოლის, წყალტუბოსა და ჭიათურის მოჭიდავეთა გუნდები. ტურნირში წარმატებული იყო ხარაგა-

ულელი ახალგაზრდების მონაწილეობა. პირველობა სხვადასხვა წონით კატეგორიაში რამდენიმე მუნიციპალიტეტის წარმომადგენლებმა გადანიანლეს, რაც შეეხება ხარაგაულელ მოჭიდავეებს- მეორე საპრიზო ადგილი დაიკავეს: ჯაბა სარალიძემ (23კგ), ზურაბ ტორთქელიძემ(26კგ), ნოდარ ბააკაშვილმა (35კგ), ვახტანგ ნიჭაბაძემ (38კგ) და ლუკა ვეფხვაძემ (59კგ). მესამე საპრიზო ადგილი წილად ხვდა სამ სპორტსმენს: ტარიელ ჭიჭინაძეს (20კ), მიხეილ ქართველიშვილს (26კგ) და ლუკა სიხარულიძეს (66კგ). თამაზ გიორგაძის ხსოვნისადმი მიძღვნილ ტურნირს ესწრებოდნენ: ხარაგაული-ბალდათის მაჟორიტარი დეპუტატი კობა ლურსმანაშვილი, საგანმანათლებლო რესურსცენტრის უფროსი დავით კიკნაძე, საკრებულოს საფინანსო-საბიუჯეტო კომისიის თავმჯდომარე ვარლამ ჭიპაშვილი, განათლების, კულტურის, სპორტისა და ახალგაზრდულ საქმეთა სამსახურის უფროსი ირინე ჩხეიძე, ადგილობრივი ხელისუფლების წარმომადგენლებმა გამარჯვებულ სპორტსმენებს სიგელები გადასცეს და შემდგომში წარმატებები უსურვეს.

ხაჩაგაყრის ინოვაციების ცენტრში 5000 ლარიანი გიორგის მოპოვებასთან დაკავშირებით დისტანციური პირველი შეხვედრა

29 მარტს ხარაგაულის ბიბლიოთეკის ინოვაციების ცენტრში განხორციელდა დისტანციური პირველი შეხვედრა საქართველოს ინოვაციებისა და ტექნოლოგიების სააგენტოდან 5 000 ლარიანი გიორგის მოპოვებასთან დაკავშირებით. პროექტის პროტოტიპირებაზე სააგენტოს სტრატეგიული განვითარების დეპარტამენტის უფროსმა გიორგი კინწურაშვილმა ისაუბრა. მან დამსწრე საზოგადოებას დეტალურად გააცნო პროექტის მიზნები და ამოცანები. შეხვედრა კითხვა-პასუხის რეჟიმში მიმდინარეობდა, სადაც დამსწრე საზოგადოებას საშუალება ჰქონდა, პასუხი მიეღო მათთვის საინტერესო კითხვებზე. პირდაპირი ჩართვა ხარაგაულის პარალელურად ბალდათში, ჭოპორტსა და ზუგდიდის ინოვაციების ცენტრებში მიმდინარეობდა.

აღნიშნული გიორგი შეხვედრა მხოლოდ ინოვაციური პროექტის ან სერვისის პროტოტიპის შემქმნას და არ გაცივება სანარმო, მარკეტინგული და სხვა დანიშნულების პროექტზე. მოქალაქეს შეეძლება შეესაბამებოდეს ხელმძღვანელი აპლიკაცია გადაავაზონოს ელექტრონულ მისამართზე: grants@

gita.gov.ge. ამის შემდგომ სააგენტოს წარმომადგენელი დაუკავშირდება გიორგის მსურველს და ეცნობება, გადავიდა თუ არა პროექტი შემდეგ - გასაუბრების ეტაპზე. საბოლოო გადაწყვეტილებას გიორგის გაცემაზე იღებს სააგენტოში არსებული საბჭო.

აპლიკაციის შეტანა შესაძლებელია წლის განმავლობაში ნებისმიერ დროს. ასევე გასათვალისწინებელია, რომ საბოლოო გადაწყვეტილებამდე სააგენტოს აქვს 1 თვის ვადა.

დამატებითი კითხვების არსებობის შემთხვევაში მოქალაქეებს შესაძლებლობა აქვთ, დაუკავშირდნენ ხარაგაულის ბიბლიოთეკის ინოვაციების ცენტრს, შემდეგ მისამართზე: სოლომონ მეფის N50 .

ტელ: 0433 22- 15 - 85; 577 387 - 388; 577 95 - 32 - 62 ;

ასევე საქართველოს ინოვაციებისა და ტექნოლოგიების სააგენტოს, მისამართზე, ქ. თბილისი, ინოვაციების ქუჩა N7.

ტელ : +(995) 599 98 64 99 . E-mail: info@gita.gov.ge. http://www.gita.gov.ge. ლელა გუგულაშვილი

მადლობა მათ!

ჯანმრთელობაზე ზრუნვა ადამიანთა დღევანდელი ცხოვრების აუცილებელი პირობაა. სამწუხაროდ, ათასგვარ მიზეზთა გამო, ხშირად დაუდევრად ვეპყრობით საკუთარ ჯანმრთელობას და რეგულარულად ვერ ვაკონტროლებთ მას. აღნიშნული ვითარების გათვალისწინებით, მასწავლებელთა მიმართ დიდი გულსხმიერება გამოიჩინა ხარაგაულის

ჯანდაცვის სამსახურმა, რომელმაც უფასო ტრანსპორტით გვანვია ქუთაისის სკრინინგ - ცენტრ „პერას.“

დიდი მადლობა ყველა იმ პიროვნებას, რომელმაც წვლილი შეიტანეს ჩვენი ჯანმრთელობის პრობლემების გამოკვლევაში, რათა შესაბამისი მკურნალობით დროულად მოგვარდეს ყოველივე ეს.

N2 საჯარო სკოლის პედაგოგები

საეკოლოგიური ხარაგაულს

შენით თენდება, შენით ღამდება, ზეცა დაგნათის თვალბევარსკვლავა, დევამირები გყავს მცველად კარიბჭის, ირგვლივ ღამაში მთები დამსხდარან.

ციხე - კოშკები დგანან ამაყად გადაქცეული ზღაპრად, არაკად, ჩხერიმელამ კი სისხამ დილაზე დიდი წარსული ჩაარაკრაკა ქუქუ ანოვე შეილებს ღირსეულთ, შენი სიკეთით მუდამ დამტკბარან, ჭკვიანურად და ღამაზად ზრდილინი ერის და ქვეყნის სახე გამხდარან... სტუმრის მიღების წესით და მადლით გაციებული გულიც გამთბარა, ბაგემღმარი დიასახლისი ხაჭაპურს განვდის ცხელ-ცხელს, თანთქალას...

და ამღერდება ცა და ხმელეთი, ქალი თუ კაცი, დიდი - პატარა, ტანში დაგბურძღვავს, რომ ხარ ქართველი რომ ბედმა ამ გზით გამოგატარა.

ჯადოსნურ ხიბლით ამ მთა-გორების, შენი მებოტბე ბევრი გამხდარა ალბათ არა გყავს შვილი არც ერთი, შენთან ალერსით ვინც არ დამოთვრალა.

ნიკო ნიკოლაური

ხარაგაული, რომ ხარაგაულელს უყვარდეს, ეს ჩვეულებრივი ამბავია, მაგრამ ხარაგაული რომ ისეთი გრძობით უყვარდებოდა მთიელ კაცს, როგორც ამ სტრიქონებშია დაწვრილებული, ეს გასაკვირი არა, მაგრამ იმერლებისგან სანაცვლო სიყვარულგებას რომ მოითხოვს, ეს აუცილებელია...

თუმც ფაქტი სახეზეა... ხარაგაულის ქუჩებში ამაყად დაბაიჯებს იმერელთაგან სიყვარულით გარემოსილი, კარგი ოჯახის მესაჭე, ხარაგაულის კულტურული ცხოვრების წინსვლის ერთ-ერთი შემოქმედი, გორანელი მოლექსე - მოკაფიავე ხეთისო ნიკოლაურის პირმშო, ავტორი, ნიკოლოზ ნიკოლაური...

მერი გიორგიძე

ხარაგაულის „ჩხერიმელამ“ თბილისის „შევარდენი“ დაამარცხა

26 მარტს ხარაგაულის „ჩხერიმელამ“ თბილისის „შევარდენი“ 3:0 დაამარცხა. მატჩის მე-2 წუთზე პირველი გოლი გრიგოლ ფირცხალავამ გაიტანა, მეორე გოლი მე-17 წუთზე ირაკლი ხეცტურიაძემ. მესამე გოლით კი ერეკლე ლებანიძემ გუნდს საბოლოო გამარჯვება მოუტანა .

საქართველოს ჩემპიონატის (ლიგა - 3) მორიგ შეხვედრაზე „ჩხერიმელამ“ 3 ქულა მოიპოვა და ცხრილში მე-4 ადგილზე გადინაცვლა.

„ჩხერიმელას“ ძირითად შემადგენლობაში არიან:

- ალექსანდრე გიორგაძე ; დავით ჩხეიძე ; ილო დონდოლაძე;

- გიორგი დვალი ; ბადრი ქავთარაძე ; ერეკლე ლებანიძე; ვახტანგ გიორგაშვილი ; პატრიკ ასამუა ; ირაკლი ხეცტურიაძე; გრიგოლ ფირცხალავა; გიორგი გოგილაშვილი; სათადარიგო შემადგენლობაში შედიან: ზურაბ გოლუბიანი; ბექა ოკრიბელაშვილი; ირაკლი მალრაძე; ვასილ გოგიტიძე; გოჩა გაბულაშვილი; რონალდ კელი კოტო.